

4 Vokabulario

Sèn di papel

Hopi tempu pasá hendenan tabata paga ku klòmpi di koper, plata òf oro. Despues a bin moneda. Kaba a inventá sèn di papel. Kon esei a sosodé?

Antes e negosiantenan tabata usa un bèshi di plaka. Pero ora nan mester a paga algu karu, nan tabata hinka nan moneda den saku grandi. E sakunan akí tabata pisá. Tabata peligroso tambe pa kana ku tantu plaka asina. Tabatin ladron ta lur tur kaminda.

P'esei riba un bon dia un grupo di negosiante a disidí di hiba nan plaka serka un platé. Un platé ta un hende ku ta traha renchi ku kadena di oro i plata. E platé tabata warda e monedanan pa nan. E tabata duna e negosiantenan un òf mas karta na lugá di e monedanan. Nan tabata yama karta di garantia.

Den e kartanan tabatin skibí kuantu moneda nan a warda serka e platé. Asina tur negosiante por a biaha mas trankil, pasobra nan sèn tabata bon wardá.

Ora un negosiante tabata ke kumpra algu, e tabata paga e bendedó ku un di e kartanan ku el a haña serka e platé. Pues, e karta tabatin balor di sèn. Ku e karta e bendedó por a bai tuma su sèn serka e platé.

Pokopoko tur hende a kuminsá usa karta di garantia pa paga otro. Asina sèn di papel a nase.

E kantidat di moneda ku e platé mester a warda tabata bira kada bes mas tantu. Bon mirá e platé a bira un sorto di bankero. Un bankero ta warda sèn di otro hende. Asina banko a nase.

Tarea 1

Kiko bo ta mira?

- Lesa e frase bou di kada pintura.
- Buska e palabra ku falta, den e rei aki bou.
- Skibi e palabra den bo skref.

Tarea 2

Bo sa e kontesta?

- Awendia nos tin vários banko riba nos isla.
- Bo por menshoná dos?
- Skibi e nòmbernan den bo skref.


• bèshi di plaka

• karchi di banko


• klòmpi



Antes hendenan tabata paga ku di koper, plata òf oro.



Despues tur hende a kuminsá paga ku ...



E monedanan nan tabata warda den un ...



Negosiante tabata hiba nan sèn serka un ...



Komo moneda tabata pisá a inventá ...



Awendia hopi hende ta paga ku ...

Tarea 3

Kiko bo ke?

- Antes hendenan tabata troka produkto ku otro.
- Algun tabata troka speserei i salu.
- Otronan tabata troka pluma òf

pedra presioso, bonchi di kòkou etc.

- Kiko abo lo a hiba otro kaminda pa troka i kiko lo bo tuma na lugá di dje si bo tabata biba den e tempu ei? Splika dikón.

• moneda

• platé

• sèn di papel

5 Pensa bon

5l Kiko bo ta yena?

- Den kada frase falta un palabra.
- Buska e palabra ku falta i skibié den bo skref.
Bo por skohe entre:

bankero – bèshi di plaka – karchi di banko –
moneda – pòtmòni – sèn di papel

Manera di paga

1. Antes un negosiante tabata paga ku ...
2. Su sèn e tabata wardá den un ...
3. Moneda ta pisá, pero ... no ta pisa kasi nada.
4. E platé di ántes a bira un ...
5. Awendia bo por paga ku bo ... tambe.
6. Moneda, sèn di papel i karchi di banko bo ta hinka den bo ...



5m Pone palabra den sekuensia

- Aki bou tin kada bes tres palabra.
- Pone e palabranan di chikí bai grandi.
- Skibi nan den bo skref.

1. *laman* – *plas di awa* – *veiver*
2. *katapila* – *trùk* – *outo di kareda*
3. *palu* – *yerba* – *mata*
4. *sèrbètè* di kushina – *lensu* – *pañá* di mesa
5. *patia* – *ápeldam* – *mango*
6. *beibi* – *adulto* – *mucha chikí*
7. *kachó* – *raton* – *tiger*
8. *palasio* – *kas* – *lanthùis*

plas di awa – veiver – laman

